

6c Kua palabra bo ta skibi ku lèter kapital?


- Ora nos ta skibi, tin algun palabra ta haña lèter kapital i tin algun palabra ku no ta haña lèter kapital.

- Ta skibi ku lèter kapital:

- e promé lèter na kuminsamentu di un teksto,
- e promé lèter na kuminsamentu di un frase,
- e promé lèter ku sigui despues di un punto (.) òf un signo di interrogashon (?) òf un signo di sklamashon (!),
- e promé lèter di nòmber propio i fam di persona (Ana Gomes),
- e promé lèter di nòmber propio di animal (Bèlo),
- nòmber di pakus (Penha) i otro edificio (Xerox),
- nòmber di kaya (Kaya Mozart),
- nòmber geográfiko, esta nòmber di pais (Spaña), lugá (Soto), laman (Laman Karibe) i seru (Seru Kabritu).

- No ta skibi ku lèter kapital:

- luna di aña (yüni),
- dia di siman (djaluna),
- idioma (hulandes),
- habitante di un isla òf un pais (chines).



- Wak e palabranan aki bou bon. Traha dos rei den bo skref. Un ku palabra ku no ta haña lèter kapital i un ku palabra ku sí ta haña lèter kapital.

1. papiamentu
2. oranjestad
3. yüni
4. sèptèmber
5. tirsasalas
6. blèki
7. kolombiano

8. kaya kooyman
9. emil kwidama
10. fruteria sousa
11. museo di kòrsou
12. yanüari
13. ingles
14. djárason

15. saba
16. kurasoleño
17. boneiru
18. djamars
19. hotèl trinitaria
20. djabièrnè
21. hulandes

